



h

Na Mamića pucano iz pištolja kalibra 7,65 milimetra

Objavljeno: 23.08.2017. u 14:23

Na Zdravka Mamića pucano je najvjerovatnije iz pištolja kalibra 7,65 milimetara, a uviđajem je utvrđeno kako je napad na njega pomno planiran te da su osobe koje su počinile krivično djelo znale Mamićevu trasu kretanja, kazao je u izjavi za Fenu glasnogovornik MUP-a Livanjskog kantona Ivica Vrdoljak.

Prema njegovim riječima, samo mjesto odakle je izvršeno kazneno djelo pucanja iz vatrenog oružja pokazuje da je dosta dobro pripremljeno i da nije bilo uočljivo od strane napadnute osobe kao i njegovih pratitelja pri dolasku u taj zaselak Vidovići, kod Zidina gdje je trebala biti.

Vrdoljak ističe kako se sve informacije provjeravaju na terenu te da u istrazi, osim radnika MUP-a Livanjskog kantona, sudjeluje kantonalno Tužilaštvo te MUP Republike Hrvatske.

Naime, tokom jučerašnjeg dana Zdravko Mamić sa članovima svoje obitelji je pored kapelice u zaseoku oko naselja Zidina dočekan u "sačekuši" od za sada nepoznatih počinilaca, koji su pucali na njega iz vatrenog oružja čime je zadobio prostrijelnu ranu desne natkoljenice.

Na mjestu događaja pružena mu je pomoć te je odvezen u Dom zdravlja Tomislavgrad gdje mu je ljekarski tim sanirao i opservirao prostrijelnu ranu. Na vlastitu odgovornost je napustio Tomislavgrad te se uputio u Zagreb gdje se u jednoj od tamošnjih klinika nalazi na daljnjem liječenju.

*Faktor pratite putem aplikacija za **Android**. Pratite nas i na društvenim mrežama **Facebook** i **Twitter**. Zabranjeno je prenošenje sadržaja bez odobrenja redakcije. Kontaktirajte nas na **redakcija@faktor.ba**.*



KONTAKT IMPRESSUM MARKETING UVJETI KORIŠTENJA JAVI FAKTORU SADRŽAJ

Redakcija
redakcija@faktor.ba